



Broj: 05/1-50-13-29-19-5/16
Sarajevo, 19.4.2016.

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Državne agencije za istrage i zaštitu BiH

Sastanak je održan 14.3.2016., s početkom u 12 sati, u prostorijama Državne agencije za istrage i zaštitu BiH u Sarajevu. Prisustvovali su: Perica Stanić, direktor Državne agencije za istrage i zaštitu BiH, Đuro Knežević, zamjenik direktora Državne agencije za istrage i zaštitu BiH, Enes Obraliya, prvi zamjenik predsjednika Nezavisnog odbora, Mate Miletić i Ljubomir Kuravica, članovi Nezavisnog odbora, te Ivana Lovrić, sekretar Nezavisnog odbora.

Direktor Državne agencije za istrage i zaštitu BiH Perica Stanić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Enes Obraliya, prvi zamjenik predsjednika Nezavisnog odbora, ukratko je obrazložio razlog posjete. Reкао je da je posjeta organizirana u skladu s Planom i programom rada Nezavisnog odbora za 2016. godinu s ciljem održavanja kontinuiteta saradnje s policijskim agencijama iz svoje nadležnosti. Također je napomenuo da je na zadnjoj sjednici Nezavisnog odbora razmatrana pritužba „Avaz-roto pressa“, a u vezi s ulaskom specijalne jedinice Državne agencije za istrage i zaštitu BiH u redakciju Dnevnog avaza, te da je dogovoreno da će članovi Nezavisnog odbora posjetiti Državnu agenciju za istrage i zaštitu BiH radi pribavljanja dodatnih informacija o ovom događaju. Naglašeno je i to da je prije nego što je upućena pritužba od Avaz-roto pressa, Nezavisni odbor zatražio, a Državna agencija za istrage i zaštitu BiH dostavila pismenu informaciju o spomenutim događajima u kojoj su detaljno navedene sve radnje i postupci koje su provodila ovlaštena službena lica, a po naredbi Suda i Tužilaštva BiH.

Direktor Državne agencije za istrage i zaštitu Perica Stanić naglasio je da je po zakonu i internim pravilima Agencije kada se izvršavaju službeni zadaci, kao i zbog dizanja tenzija u

medijima, dao vrlo kratku izjavu za javnost. Također, naglasio je da je po njegovom nalogu Ured za unutrašnju kontrolu Državne agencije za istrage i zaštitu BiH odmah proveo postupak utvrđivanja činjenica u vezi s realizacijom naredbe Suda i Tužilaštva BiH i angažiranja pripadnika specijalne jedinice Državne agencije za istrage i zaštitu i da su u svom izvještaju utvrdili da su službenici Državne agencije za istrage i zaštitu BiH postupili u skladu sa zakonom.

Članovi Nezavisnog odbora u razgovoru s rukovodstvom Državne agencije za istrage i zaštitu BiH osvrnuli su se i na suspenziju 11 samostalnih inspektora prilikom čega je direktor Perica Stanić naglasio da je najveći problem za Državnu agenciju za istrage i zaštitu BiH u ovom trenutku manjak rukovodnih službenika jer se radno mjesto suspendiranih policijskih službenika ne može popuniti.

Dalje je u razgovoru rukovodstvo Državne agencije za istrage i zaštitu BiH istaklo potrebu donošenja novog Zakona o policijskim službenicima BiH ili barem njegovih izmjena i dopuna za koje je Državna agencija za istrage i zaštitu BiH već uputila intervencije u smislu suspenzija i eksternog premještaja policijskih službenika. U vezi sa izmjenama Zakona o policijskim službenicima, postoji dogovor između ministra sigurnosti BiH, direktora Državne agencije za istrage i zaštitu BiH, direktora Granične policije BiH i direktora Direkcije za koordinaciju policijskih tijela BiH o eksternom prijemu policijskih službenika na svim nivoima.

Članovi Nezavisnog odbora na kraju su naglasili da će Nezavisni odbor i dalje u okviru svojih nadležnosti pružati podršku radu Državnoj agenciji za istrage i zaštitu BiH i poželjeli im mnogo uspjeha.

Sastanak je završen u 13,30 sati.

**PRVI ZAMJENIK PREDSJEDNIKA
NEZAVISNOG ODBORA**

Enes Obralića